

Yuav Zoo Li Cas: Cov lus hais rau daim *vis dis aus* Tej Chaw Txhaj Tshuaj Nyob Hauv Minnesota

[Tus Piav]

Lub Xeev Minnesota xav kom yooj yim rau txhua tus neeg nyob hauv Minnesota tuaj txhaj tshuaj.

Daim vis dis aus no yuav qhia koj paub seb yuav zoo li cas thaum koj tuaj txog ntawm qhov chaw txhaj tshuaj.

Thaum koj tuaj txog qhov chaw txhaj tshuaj, koj yuav pom tej paib taw kev rau koj nkag mus rau lub rooj vag.

Tus neeg tos txais qhua kuj yuav kuaj seb koj kub taub hau npaum cas thiab hais kom koj looj dua ib daim ntaub npog qhov ncauj tshiab.

Cov neeg ua haujlwm yuav pab koj nyob rau lub sijhawm koj tuaj txhua tshuaj. Txhua qhov chaw txhaj tshuaj yeej muaj kev pab txhais lus.

Yog tias koj muaj ib lo lus nug twg lossis xav thov kev pab li cas, hu mus rau qhov chaw txhaj tshuaj ua ntej.

[Cov Npe Ntawv] Mus xyuas: mn.gov/covid19/vaccine/find-vaccine/community-vaccination-program/index.jsp los mus nrhiav cov xov tooj hu mus rau tej chaw txhaj tshuaj.

Thaum koj tuaj txog, tej zaum yuav nug koj txog koj lub sijhawm nav maim yog li cas. Koj muab daim ntawv nav maim luam tawm lossis rub tawm tsab email nyob hauv koj lub xov tooj los tau.

Tom qab muab koj rau npe tag lawm, tej zaum koj yuav tau nyob tos koj thib mus txhaj tshuaj. Yog tias koj xav tau ib lub rooj zaum thov qhia rau tus neeg ua haujlwm uas teev koj npe cia.

Thaum tus neeg tu mob xyeej lawm ces mus rau ntawm nws. Yog koj xav kom muab chaw nraim koj mentsis ntxiv los koj thov yeej tau.

Tus neeg tu mob mam li muab ib daim ntawv txhaj tshuaj rau koj yog tias zaum no yog thawj zaug koj tuaj txhaj koob tshuaj COVID-19. Muab daim ntawv no tso rau ib qho chaw kom zoo, thiab rov qab nqa tuaj nrog koj yog tias koj tseem yuav txhaj koob tshuaj thib ob ntxiv.

Tom qab koj txhaj tshuaj tag lawm, yuav hais kom koj nyob tos ntawm qhov chaw txhaj tshuaj li 15 mus txog 30 feeb ntxiv. Yuav ua li no soj qab seb koj puas huam mob hnyav dabtsi tom qab txhaj tshuaj tag.

Cov neeg ua haujlwm mam li pab qhia koj seb yuav ua li cas yog tias koj tsis xis nyob. Yeej muaj cov neeg tu mob lossis cov kws pab kho mob ceev nyob ntawm qhov chaw txhaj tshuaj los teb koj tej lus nug thiab pab tu xyuas koj yog tias koj tsis xis nyob.

Tom qab koj nyob tos li 15 lossis 30 feeb tag, ces koj ua tiav lawm!

Yog tias hom koob tshuaj koj mus txhaj yuav kom koj rov tuaj txhaj koob thib ob ntxiv, muab hnuv nav maim ntawd sau cia kom koj nco qab.

YUAV ZOO LI CAS: COV LUS HAIS RAU DAIM VIS DIS AUS TEJ CHAW TXHAJ TSHUAJ NYOB
HAUV MINNESOTA

Cov neeg ua haujlwm mam li pab xyuas seb hnuv nav maim rau koj rov qab tuaj yog hnuv twg yog tias koj tsis nco qab lawm.

Ua tsaug koj tuaj txhaj tshuaj!

Yog tias koj muaj lus nug txog tej chaw txhaj tshuaj, mus xyuas peb lub vas sab <https://mn.gov/covid19/vaccine/find-vaccine>.

Minnesota Department of Health
Communications Office
PO Box 64975
St. Paul, MN 55164-0975
651-201-4989
health.communications@state.mn.us
www.health.state.mn.us

5/26/21 (Hmong)

Xav tau cov ntaub ntawv no ua lwm hom, hu rau: 651-201-4989